

40 bot nelayan

Sinar Harian

15/11/2020

5 m/s

Indonesia diusir

Kesemua bot itu
dikesan KM Rawa
dalam Op Benteng

Oleh NOOR AINON MOHAMED
YUSOF

LUMUT



FOTO: IHSAN APMM PERAK

Antara bot nelayan Indonesia yang dikesan APMM Perak dalam Op Benteng itu.

Ageni Penguatkuasaan Maritim Malaysia (APMM) Perak mengusir 40 bot nelayan Indonesia yang menceroob perairan negara di kedudukan sekitar 28.5 hingga 30 batu nautika barat laut Pulau Jarak di sini kelmarin.

Pengarah APMM Perak, Kepten Maritim Shahrizan Raman berkata, kesemua bot tersebut berjaya dikesan ketika Kapal Maritim (KM) Rawa melaksanakan Op Benteng di perairan negeri itu.

"Hasil pemeriksaan mendapati kesemua bot tersebut adalah bot nelayan tradisional In-



SHAHRIZAN

donesia yang mempunyai empat orang awak-awak termasuk tekong bagi setiap bot sedang melakukan aktiviti menangkap ikan.

"KM Rawa memberi amaran keras kepada bot-bot tersebut dan kesemuanya diarahkan untuk menghentikan aktiviti penangkapan ikan dan keluar dari perairan negara," katanya dalam satu kenyataan di sini semalam.

Menurutnya, pihaknya telah mengiring kesemua bot nelayan

negara jiran itu hingga ke sempadan maritim Malaysia-Indonesia bagi memastikan mereka tidak berpatah balik untuk menceroob perairan negara.

"Dalam tempoh dari 18 Mac hingga sekarang sejumlah 199 bot nelayan Indonesia telah diusir keluar selepas kesemuanya dikesan menceroob dan menangkap ikan di perairan Perak.

"Tindakan itu adalah untuk menyekat penyebaran wabak coronavirus (Covid-19) menerusi warga asing serta membantu Kementerian Kesihatan menurunkan graf kebolehhajangan coronavirus (Covid 19) dalam kalangan rakyat Malaysia," katanya.

Shahrizan berkata, APMM akan terus meningkatkan rondaan dan pengawasan terutama di titik-titik panas berhampiran sempadan maritim negara untuk menyekat pendatang asing tanpa izin dan bot nelayan asing daripada terus menceroob perairan negara ini.

Antara bot nelayan Indonesia diusir selepas menceroob perairan negara.

